



## ЎЗБЕК ТИЛИДА ҚОН - ҚАРИНДОШЛИК ТЕРМИНЛАРИНИНГ ПАЙДО БҮЛИШ ДАВРИГА КҮРА ТИПОЛОГИЯСИ

Nafisa JALİLOVA\*

### Аннотация

Маълумки, тилнинг лугавий қатлами фонетика ва морфологияга нисбатан тез ўзгарувчан бўлиб, асрлар оша даврга хос бўлган ўзгаришларни ўзида ёрқин акс эттириб боради. Қон-қариндошлик терминлари инсоният тарихининг энг қадимги давридан ибтидоий жамият тузумига мансуб бўлиб, ҳали мулкчилик тизими амалга ошмаган даврда пайдо бўла бошлаган. Ўзбек тили ҳам бундан мустасно эмас. Ўзбек тилидаги қон қариндошлик терминларининг яратилган давридан то шу кунга қадар тарихий тараққиётини қуидагича гурухлар ажратиш мумкин: а) тарихий терминлар-ўзбек тилида тарихда кенг қўлланиб, ҳозирда умуман ишлатилмайдиган қон-қариндошлик терминлари; б) қадимий терминлар-ўзбек тил учун асос бўлган қадимдан мавжуд бўлиб ҳозирда ҳам қўланувчи қон-қариндошлик терминлари; янги терминлар-тилнинг синхроник нормалари шаклланиши даврида пайдо бўлган қон - қариндошлик терминлари. Мақолада ушбу гурухлар алоҳида таҳлил қилинган.

**Калит Сўзлар:** Ўзбек Тили, Ўзбек Тилшунослиги, Туркий Тиллар, Лугавий Қатламлар, Қон-Қаридошлик Терминлари, Тарихий Қон-Қаридошлик Терминлари, Қадимий Қон-Қаридошлик Терминлари, Янги Қон-Қаридошлик Терминлари, “Девону Лугатит Турк”.

## ÖZBEK TÜRKÇESİNE DEKİ AKRABALIK TERİMLERİNİN OLUŞMA DÖNEMİNE GÖRE TİPOLOJİSİ

### Özet

Bilindiği gibi dilin kelime hazinesi onun fonetik ve morfolojik yapısına göre hızla değişen, yüzyılların dildeki etkisini açık bir şekilde yansıtan bir oluşumdur. Akrabalık terimleri insanlık tarihinin en eski çağlarında henüz mülkiyet sisteminin uygulamaya konulmadığı bir dönemde-ilkel toplumda dilde şekillenmeye başlamıştır. Bu süreç tüm dillerde olduğu gibi Özbek Türkçesinde de yaşanmıştır. Özbek Türkçesindeki akrabalık terimlerini şekilleniş ve kullanılış dönemini aşağıdaki gibi üç gruba ayıralım: a) Arkaik terimler – Özbek Türkçesinin çeşitli tarihî devirlerinde kullanılan, şimdilik hiç kullanılmayan terimler; b) Eski terimler – Özbek Türkçesindeki çağdaş akrabalık terimlerinin köklerinin dayandığı en eski temel terimler; c) Yeni terimler – Özbek Türkçesinin senkron dil normlarının oluşumunda şekillenen akrabalık terimleri. Bu makalede bu gruplardaki terimler ayrı ayrı incelenmiştir.

**Anahtar Sözcükler:** Özbekçe, Özbek Dilbilimi, Türk Dilleri, Dilin Kelime Hazinesi, Akrabalık Terimleri, Arkaik Akrabalık Terimleri, Eski Akrabalık Terimleri, Yeni Akrabalık Terimleri, "Devonu Luğatit Türk".

\* Semerkant Devlet Üniversitesi Özbek Dilbilimi Bölümü, Semerkant / ÖZBEKİSTAN, el – mek: nafisajalilova1978@gmail.com

ORCID ID: <https://orcid.org/0000-0001-6184-3886>

## TYPOLOGY OF KINSHIP TERMS BY PERIOD OF OCCURRENCE IN UZBEK LANGUAGE

### Abstract

As is known, the lexical composition of the language changes rapidly in contrast to phonetics and morphology, it reflects the changes that have taken place in the language for centuries. The term of kinship appeared in the earliest period of human history - in a primitive society, at the time when system of private property had not yet emerged. Naturally, the Uzbek language is not an exception. The historical period of forming of kinship terms in Uzbek language is divided into the following groups: a) archaic terms - commonly used in the history of the Uzbek language, now not use in speech practice; b) ancient terms - oldest terms that are used in speech practice; new terms - terms of kinship, which appeared in the formation of synchronous norms of the Uzbek language. In the article, these moments were specially analyzed.

**Key Words:** Uzbek Language, Uzbek Linguistics, Turkic Languages, Lexica, Kinship, Historical Kinship Terms, Ancient Kinship Terms, Contemporary Kinship Terms, "Devonu Lugatit Turk".

Қон-қариндошлиқ терминлари (ҚҚТ) инсоният тарихининг энг қадимги давридан ибтидоий жамият тузумига мансуб бўлиб, ҳали мулкчилик тизими амалга ошмаган даврда пайдо бўла бошлаган. У ўша жамиятдаги қариндошлиқ муносабатларининг умумий тушунчаларини ифодалаган. Д.А.Ольдероггеннинг таъкидлашича, қариндошлиқ тизимидаги авлодлар беш турга бўлинган: 1) мен ва ака-укаларим, опа-сингилларим; 2) отам, онам ва уларнинг авлодлари; 3) менинг бобом ва унинг авлодлари; 4) менинг фарзандаларим; 5) менинг барча набираларим.

Қолган авлодлар тан олинмаган ва улар жинсий фарқ қилинмаган. Бу даврда қудаандачилик муносабатлари шаклланмаган, шунинг учун қон-қариндошлиқ терминларининг бошқа турлари ҳисобга киритилмаган (Olderogge, 1951:28).

Маълумки, тилнинг лугавий қатлами фонетика ва морфологияга нисбатан тез ўзгарувчан бўлиб, асрлар оша даврга хос бўлган ўзгаришларни ўзида ёрқин акс эттириб боради. Шу нуқтаи назардан қараганда ҚҚТ лексиканинг бошқа қатламларига нисбатан турғун ва консерватив характерга эга бўлиб, улар семантикасидаги силжишлар (торайиш, кенгайиш)ни ҳисобга олмаганда ўзларининг энг қадимги, архаик шаклини сақлаб қолган бўлади. Масалан, Г.Айдаровнинг кўрсатишича, Ўрхун-Енисей (Энасой) ёдномаларида қайд этилган ҚҚТларидан 90 фоизга яқини (булардан айримлари фонетик ўзгаришга учраган ҳолда) ҳозирги туркий тилларнинг кўпчилигига мавжуддир (Aydarov, 1971: 136). Ҳақиқатдан, Ўрхун-Энасой ёзма ёдгорликлари тилида қайд этилган *ата*, *ада*, *ана*, *аба*, *ача*, *огул*, *қызы*, *ака*, *синил*, *ини*, *эр*, *қатун*, *ийигит*, *қарындаши* сингари ҚҚТлари ҳозирги туркий тиллар, шу жумладан, ўзбек тили ва шеваларида ҳам у ёки бу фонетик ўзгаришга учраган ҳолда фаол қўлланиб келмоқда.

Ўзбек тилшунослигига ҚҚТлари жуда қадими тарихга эга бўлиб, ўз таркибида яратилиш даврига кўра ҳатто ёзма ёдгорликларда ҳам қайд килинган шаклларини сақлаб келаётганлиги тарихий лексик, диалектал ҳамда маҳсус ҚҚТлар орқали ифодалаб келиши билан қимматбаҳо манба вазифасини ўтайди. Шунга қарамай мазкур терминлар ҳозирга қадар лингвистик нуқтаи назаридан маҳсус текшириш обьекти сифатида ўрганилмаган.

Бундан ўн аср муқаддам ёзилган Маҳмуд Кошғарийнинг “Девону луғот-ит турк”идаги барча ҚҚТнинг бешдан тўрт қисми ўзбек тили ва унинг турли шеваларида

қарийб ҳеч қандай лексик-семантик ўзгаришсиз сақланиб қолғанлиги күзатилмоқда. Жумладан, инсонлар ўртасидаги қариндош-уруғчилик муносабатларини ифодаловчи ҚҚТ хам туркология тарихида биринчі бўлиб мазкур асарда изоҳланган (Koşgariy, 1967: 9-385). “Девон”дан кейин яратилган асарларда қон-қариндошлиқ терминларига оид фикр ва мулоҳазаларнинг юзага келишида “Девону луғотит турк” асаридаги маълумотлар замин бўлган, десак муболаға бўлмайди.

С.Муталибов тил тарихи ва лексикасига бағишланган монографиясида тарихий манбаларда қайд қилинган *ота, она, бола, ўғил, қиз, набира* каби қон-қариндошлиқ терминларини лексикология тарихи билан боғлаб таҳлил қиласди (Mutallibov, S., 1959: 139-140). Т.З.Мирсоатов ўзбек тилининг қирқ шеваси (Mirsoatov 1953, I: 127-128). Ш.Афзалов Паркент шевасида қўлланувчи қариндошлиқ терминлари англатган маънолари хақида қисман тўхталиб ўтади (Afzalov 1953: 175-176).

Ўзбек тилидаги сўзларни пайдо бўлиш даврига кўра гурухлаш учун сўзнинг тилда пайдо бўлиш даври, қўлланиш муддати хисобга олинади. Тилнинг муайян даври учун лугавий норма бўлган сўзлар тил ривожининг бошқа бир даври учун норма хисобланмаслиги мумкин. Бу ҳолат лугат таркибидаги бир қатор сўзларнинг эскиришига, сўз даврнинг фактига айланиб қолишига ва ҳатто кейинчалик тамоман унутилишига олиб келади. Сўзларни тилда пайдо бўлиш даврига кўра гурухлаш тил лугат таркибидаги турғун лугавий қатламларни ёки янги лугавий бирликларни белгилашга имкон беради.

Қон-қариндошлиқ терминларини пайдо бўлиш даврига кўра гурухлашдан асосий мақсад, мазкур терминларнинг энг қадимий шаклларини, тарихий вариантларини аниқлаш ҳамда ҳозирги ўзбек тилида қўлланувчи қон-қариндошлиқ терминларининг ясалиш, пайдо бўлиш манбаларини белгилашдан иборат.

Қон-қариндошлиқ терминлари келиб чиқиш тарихига кўра қадимий бўлиб, улар туркий халқларда ҳали оила-қариндошлиқ муносабатлари шаклланмасдан бурунги, қабила-уруғчилик муносабатлари шаклланаётган дастлабки босқич давринии ифода этувчи атамалар сифатида яратила бошлаган. ҚҚТнинг тарихий тараққиётини ўрганиш учун уларни пайдо бўлиш даврига кўра гурухлаш тақозо этилади. Шунга кўра қон-қариндошлиқ терминлари куйидагича гурухларга ажратиш мумкин:

1. Тарихий терминлар-ўзбек тилида тарихда кенг қўлланиб, ҳозирда умуман ишлатилмайдиган қон-қариндошлиқ терминлари.
2. Қадимий терминлар-ўзбек тил учун асос бўлган қадимдан мавжуд бўлиб ҳозирда ҳам қўлланувчи қон-қариндошлиқ терминлари.
3. Янги терминлар-тилининг синхроник нормалари шаклланиши даврида пайдо бўлган қон-қариндошлиқ терминлари.

Тарихий терминлар ўзбек тилининг муайян даврида қўлланган, аммо кейинчалик тилдан чиқиб, ҳозирги замон ўзбек тилида учрамайди. Бундай терминларни тарихий манбалар асосида аниқлаш мумкин. Турколог-олимларнинг туркий тилларда қўлланувчи қон-қариндошлиқ терминлари бўйича олиб борган илмий кузатишлари асосида тўплаган материаллари, яратган асарларини ўрганганимизда туркий тиллар билан бир қаторда ўзбек тилида қўлланган мазкур терминларнинг келиб чиқиш ва тарихий тараққиёти хусусида баъзи маълумотларни олдик. Туркий тилларга қон-қариндошлиқ терминларининг баъзилари туркий бўлмаган (Хинд-Европа, Мўғул, Ганован, Африка) тилларидан ўзлашган бўлиб, туркий тилларнинг тил хусусиятларига хос равища талаффуз қилина бошлаган. Лекин туркий тилларнинг ўзиники бўлган қон-қариндошлиқ терминлари ҳам мавжуд бўлган. Йиллар ўтиши билан бу (ўзлашган ва ўзиники бўлган) терминлар ўз шакл ва баъзилари маъносини ўзгаририб туркий тиллар, хусусан, ўзбек тилининг лексик таркибидан ўрин эгаллаган. Ҳозирда эса уларнинг айримлари тамоман тилдан чиқкан, баъзилари бошқа терминларнинг ясалшига асос бўлса, яна бир қисми

ўзгаришсиз (фонетик хусусиятини ҳисобга олмаганда) сақланиб қолган бўлиб, тилнинг фаол сўзлари сифатида қўлланилмоқда. Ана шундай тилдан тамоман чиқиб кетган терминларга қуидагиларни кўрсатиш мумкин: *йотаз*-хотин, аёл, *йурч*-қайнин, хотиннинг кичик укаси, *йегин*-жиян, набира, кудаз-аёл, *урагут*-аёл, хотинлар, *ава*-она, *ойаба*-қайнинсингил, *көк*//*көкяй*-хола, *тунур*-куда, *аштал* ўгул-кенжада ўғил, эгат-никоҳ кечаси келин ёнида хизмат қилувчи хотин, чоново-амаки, тоға, *авачча*-ини, жиян каби. Маҳмуд Кошғарий «Девон»ида ҳам бундай сўзларни кўриш мумкин: *кіс*/*кіси*-хотин (I, 318), *наміжса*-божа (I, 417), *iri*-ака; эрнинг катта акаси (I, 114), *балдір оғул* –ўгай ўғил (I, 425), *iulap*-хотинлар (I, 140), *ғәнч*-бала (II, 351), *бачал*-акавачча (I, 373), эгатлик-келин (I, 164), *әкә*-опа (I, 116), *әчі*- кекса хотин (I, 114), *әвлук*-хотин (I, 252), *jiri*-хотиннинг ўғил укаси (III, 13). Бу ҚҚТ ҳозирги ўзбек тилида тамоман қўлланилмайди.

Бундай архаик ҚҚТ Алишер Навоий асарлари тилида ҳамда ўзбек мумтоз адабиёти намуналари тилида кўплаб учрайди: *абушқа*-эр, чол, эран- эрлар, мардлар, *ароис*- келинлар, *аҳфод*-неваралар, бин, бинни- ўғил, ўғли, *валад*-бала, *завжса*-хотин, *завжи*-эр, *инос*-аёллар, *хотинлар*, *хол*-тоға ва бошқалар (Navoiy asarları luğati, 1972; Özbek klassik adabiyoti asarları uchun qisqaça luğat, 1972).

Қадимий терминларни умумтуркий сўзлар деб айтишимиз ҳам мумкин, чунки ҳар бир туркий тилнинг лексикасини бойишида умумтуркий сўзларнинг ўрни катта. Албаттага, бу умумтуркий сўзларнинг ҳар бир туркий тилда сақланиб қолиш даражасига боғлиқ. Масалан, Г. Айдаровнинг кўрсатишича, Ўрхун-Енисей ёдномаларида қайд этилган сўзлардан 90 фоизга яқини (буларнинг айримлари фонетик ўзгаришга учраган ҳолда) туркий тилларнинг кўпчилигига мавжуд (Aydarov, 1971: 136).

Дарҳақиқат, Ўрхун-енисей ёдномалари тилида қайд этилган *ата*, *ада* (*ота*), *анна*(она), *аба*(она), *ача*(буви), *оғул*(ўғил), *қызы*(қиз), *ака*(ака), *сијил*(сингил), ини, эр, келин, қарындаш (қариндош) сингари терминлар туркий тиллар билан бир қаторда ўзбек тили ва унинг шеваларида фаол сўзлар сифатида қўлланилмоқда.

Шунингдек, бундан қарийб 1000 йил муқаддам ёзилган Маҳмуд Кошғарийнинг «Девон»идаги барча қариндошлиқ терминларининг бешдан тўрт қисми ҳозирги замон ўзбек тили ва унинг шеваларида ҳеч қандай лексик-семантик ўзгаришсиз (баъзилари бундан мустасно эвлук, ганч, кіс) сақланиб қолган: балдыв - хотиннинг синглиси, *эр* - эр киши, энэ - она, *өгај*-ўгай, кіз, *өгај оғул*, *өгај ата* - ўгай, ўгай қиз, ўгай ўғил, ўгай ота, *йанга* - янга, *ині* - ини, ука, *дәдә* - дада, ота, *йазна* - катта киз қардошнинг эри, *кәлін* - келин (Koşgariy, 1960-63, I, III: 426, 119, 144, 390, 119, 239, 113, 114, 315, 256, 213, 12, 384) кабилар.

В.В.Радлов, Э.В.Севортян ҳамда Л.З.Будаговлар томонидан яратилган лугатларни кузатганимизда, ҳақиқатан, ушбу терминлар туркий тилларга, шу жумладан, ўзбек тилига ҳам қадимдан қариндошлиқ муносабатларини ифодалаш учун қўлланиб келаётгани, уларнинг лугавий маъноси ҳамда фонетик шакллари деярли ўзгармаганилиги факат (ҳозирда) уларнинг маъно доираси аста-секин кенгайиб бораётганлиги тўғрисидаги фикр ва мулоҳазаларнинг қанчалик тўғри эканлигига ишонч ҳосил қилдик. Масалан, *овага*//*обага* термини амаки маъносида ишлатилган, ҳозир бу термин Наманган тип шеваларида шу маънода сақланиб қолган. Ача термини она, опа, буви маъноларида ишлатилган, ҳозирда бу сўз Наманган ва Фарғона шеваларида опа ва буви маъноларида учрайди. Бундан ташқари, қон-кариндошлиқ терминларининг ҳосил бўлишида асос бўлиб келган кўпгина терминларни аниклаб олдик. Жумладан, почча термини маъносида дастлаб езна, жезда сўзлари қўлланилган, олимларимизнинг фикрича, *ба* сўзи қадимда, «катта, улуғ» маъносини англатган, *ача* сўзи эса ака, амаки маъноларини ифодалаган кишилар ўз акасини опасининг эридан ажратиш мақсадида *ба ача* деб мурожаат қилган ва бу сўз фонетик ўзгаришларга юз тутиб *бачча* - *пачча* - почча шаклига келиб қолган.

*Келин сўзи орқали келинойи (янга), келинчак, келинбоби, кинчаби* (янга маъносида шеваларда) терминлари ҳосил қилинган. Шунингдек, амаки-отанинг ака-укалари маъносини англатувчи сўз ҳам қадимги туркӣ тилда ота маъносини англатувчи ама сўзига ака терминини қўшиш орқали ҳосил бўлган, чунки сўзловчи отасининг акасини отасидан фарқлаш мақсадида ама ака сўзларидан фойдаланган ва бу сўз ўзбек тилида *ама ака - амака - амак, амаки* шаклида талаффуз қилина бошлаган. Қайин, қуда сўзлари билан ҳам бир неча янги терминлар юзага келганини айтиш мумкин: *қайинота, қайнона, қайинсингил, қайнога, қайнопа, қуда хола, қудагай* каби.

Янги терминлар деб биз ўзбек тилининг туркӣ тиллардан фарқли равишда ўзбек тилининг мустақил тил бўлиб шакланган давридан то шу бугунга қадар бу тилда ясалган, пайдо бўлган терминларни тушунамиз. Яъни бу терминлар ўзбек тилининг ўзиники бўлган ўзбекча сўзлар хисобланади. Бундай сўзлар ўзлашган сўзлардан фарқланади.

Юкорида айтиб ўтганимиздек, қон-қариндошлиқ терминларининг юзага келишида қадимги терминлар асосий манба бўлиб хизмат қилган. Ўзбек тилининг мустақил тараққиёти давомида юзага келган терминлар ана шу терминлар асосида яратилган бўлиб, улар семантикаси ҳамда структураси жиҳатдан ўзига хослиги билан характерланади. Улар қуйидагилар: *ичкуёв, қарии қуда, вакил ота, катта ота, катта она (ои), оппогойи, холомойи, келиноти, опача, аммавачча, амакивачча, тогавачча, холавачча, оппог дада, оғайни* кабилар.

### Адабиётлар

AYDAROV, G., (1971). *Yazik Orhonskikh pamyatnikov drevneyurkskoy pismennosti VIII veka*. Alma-ata.

KOŞGARIY, M., (1960-1963). *Devonu Lugatit Türk: I, II, III*. –Toshkent: Fan.

KOŞGARIY, M., (1967). *Devonu Lugatit Türk: İndeks Luğat*. –Toshkent: Fan.

OLDEROGGE, M., (1951). *Malayskaya sistema rodstva // Rodovoe obshestvo. Materiali Issledovaniya*. M.

MUTALLİBOV, S. M., (1959). *Morfologiya va leksika tarihidan qisqaça oçerk*. Toşkent: ÖzFA Naşriyati.

MİRSOATOV, T. Z., (1953). *Özbek tilining Qırq şevasi // Özbek Dialetologiyasidan Materiallar*, I. –Toşkent.

AFZALOV, Ş., (1953). *Özbek tilining Parkent şevasi // Özbek Dialetologiyasidan Materiallar*. I. Toşkent.

*Navoiy Asarlari Luğati*. 1972.

*Özbek Klassik Adabiyoti Asarlari Uchun Qisqaça Luğat*. 1972.